

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Dissimulator turpitudinis.

urn:nbn:de:hbz:466:1-14259

*Eluri &
Luna sym-
nabia.*

Quid vero sibi vellet Aluros ille in summo Sistri apice, sub quo forma illa orbicularis, cui quatuor veluti tintinnabula mobilia & quis inter se intervallis applicata erant, ex Plutarcho declaratum est: significabat enim hæc species omnia, quæ generationi corruptionique obnoxia sunt, lunari globo subjici, infra quam omnia moventur & alternant, quippe quæ sint ex quatuor illis principiis, quæ Elementa placuit appellari, conflata, igne quippe, terra, aqua & aëre. Cur verò animal hoc Luna simulacrum excogitasset, ea affertus causa: quod tum varium est colore & astu, tum noctu magis quam interdiu exercitio deditum. Est præterea fecunda admodum salacitatis, temperaturæque cum Luna perquam simile. Nam unum primo parere fertur, inde duos, inde tres, inde quatuor, atque ita vicissim ad septimum usque pervenire, ibiq; fistere, ita ut toto vita cursu octo & viginti natos edat, quot itidem luces in Luna dinumerantur in Zodiaco transcurso peragendo. Adhuc ejus facies a septimo quoque die, in aliam speciem abit. Verum quæ de animali traduntur, fabulosa forsitan aliquando deprehendi possunt: illud minimè confitum: quod de pupillis ejus fertur, quæ non tantum ad Solis cursum quotidie commutentur, verum etiam ab incremento decremente quo lunaris globi quotidie varient, quod tum in aliis, tum in iis, quos Syrianos vocamus, liquido apparet. Nam qui Alurum describunt, & variis eum maculis insignem memorant, eam sibi speciem vindentur proposuisse.

MULIEBRI SALACITAS. CAP. XLI.

Quod vero salacissimam feminam per Aeluri feminæ simulacrum nonnulli significari dixerint, non ea tantum causa fuit, quod plurimum Luna fecunditatem, quæ humoris ab ea manans beneficio tota terra marisque luxuriat, admirarentur, quam etiam quod ipsius animalis ingenium ita affectum animadverterent: feminæ enim in eo genere natura admodum libidinosæ sunt & falaces, tametsi initium vix pati possunt: in quo, propter ignitam genitare vim plurimum, ut dictum est, cruciantur, mares tamen ad coitum ipse frequenter allisciunt, invitant, cogunt, puniunt etiam, nisi pareant. Unde vulgo nunc homines, qui operam nequitæ dant incontinentius, & pudore proflitio lasciviant, Cattorum commercia frequentare dicitamus.

DISSIMULATOR TURPITUDINIS. CAP. XLII.

Vtiorum dissimulatorem per micruritem Simiam suo loco significari diximus, quoniam ita in Hori codicibus impressis inveneramus: postea vero quam & manuscripts codices & antiquos naæti sumus, non n̄ in eo loco, sed aλλαγη invenimus, quod quidem vero proprius vilum est, cum eo omnes ingenio Catti sint, ut quanto possunt studio ventris excrements, vel attractio, si copia sit, pulvere sepellant, vel alia re quapiam omnino occulant. Aegypti sane cum in propatulo ac viis ipsis cibum caperent, Cattorum tamen exemplo ventrem domi exonerare, atque id quidem elanculum, assuerant. Munditiem hanc Hebræi quoq; jubentur observare, ut Deut. 23. Locum habet exim castra ad quem egrederis ad requisita nature, gerens paxillum in Baltheo, cumq; fedibus, fodis per circuitum, & gesta bumo cooperies quo relevatus es. Qui mos & apud Persas tante fuit religionis, ut qui alio quepiam insipiente non modo quicquam non evomerent, sed ne locum quidem emitterent: quiq; palam id facere aggressus esset, facinorosa notabatur ignominia. Quid vero quod ad hanc usq; diem ajunt Alexandria urbe Aegypti, totius orbis emporio frequentissimo celebrata, indigenas expuentem quempiam non alter abhorrete, quam apud nos ludibrio & reprehensioni sit obnoxius, qui palam ventris crepitum emiserit?

AUGUSTEI. CAP. XI.III.

*Signa militaria Catto
in signa.*

Et quoniam nostra omnis dictio ad sculpturas, picturasque & gestamina contendit, minimè dissimulanda sunt legionum atque ordinum insignia, quæ le pro re obtulerint: nam plerique hominum, cum in hujusmodi signa picturales incidunt, quid ea sibi velint, anxie admodum percontari solent.